

Visoki predstavnik, MMF i Svjetska banka upozoravaju da neusvajanjem amandmana na zakon o penzijama Bosna i Hercegovina gubi više od 150 miliona dolara medjunarodnih sredstava

Visoki predstavnik, Wolfgang Petritsch, Sef misije MMF-a u BiH, Bruno de Schaetzen, i predstavnik Svjetske banke u BiH, Joseph Ingram, danas su odrzali hitan sastanak sa visokim duznosnicima Federacije, na kome su ih upozorili da ce u slucaju neusvajanja paketa amandmana na entitetski zakon o penzijama Bosna i Hercegovina izgubiti više od 150 miliona dolara sredstava od medjunarodnih institucija.

Sastanku su prisustvovali: Edhem Bicakcic, Premijer Federacije, Ejup Ganic, Predsjednik Federacije, Enver Kreso i Mariofil Ljubic, predsjedavajući i dopredsjedavajući Predstavničkog doma Federacije, Alija Behmen, dopredsjedavajućeg Doma naroda Federacije, Sulejman Garib, Ministar za socijalna pitanja Federacije, Zlatko Lagumdžija, predsjednik SDP-a, kao i Zaim Backović iz Stranke za BiH, te Alois Knežević iz Stranka penzionera. Visoki predstavnik, Medjunarodni monetarni fond i Svjetska banka su ih informirali da nepostizanje dogovora oko ovih amandmana može značiti ekonomski kolaps. Također su kazali da bi to poslalo veoma negativan signal medjunarodnim investitorima koji po prvi put pokazuju interes za ekonomiju ove zemlje, ako i medjunarodnim donatorima koji podržavaju mir u Bosni i Hercegovini.

Neusvajanje paketa amandmana ove sedmice na Zastupničkom domu Federacije predstavlja zanemarivanje obaveze zaštite interesa svojih biraca. Njihov prijedlog povećanja penzija za 38% je neodgovoran i njime se stvaraju lažne iluzije kod penzionera koji će na kraju ipak biti prevareni.

Federalni organi nisu obezbijedili nikakva nova sredstva kojima bi isplatili ovo povećanje. Prethodna povećanja penzija su uglavnom bila razlog kasnjenja isplate penzija, što je ove godine osjetio veliki broj građana. Zabrinutost međunarodne zajednice se prenosi i u danasnjem izdanju Dnevnog avaza, koji navodi i izjavu finansijskog direktora Fonda za penzijsko i invalidsko osiguranje (PIO BiH), Bahrudina Lagumdžije, da mu nije poznato odakle bi se obezbijedila dodatna sredstva.

Vlada Federacije, u saradnji sa Svjetskom bankom i OHR-om, radila je na izradi prijedloga za penzije kojim bi se zaštitila starija populacija na taj način da im se garantira minimalna penzija. Iznos ukupne mjesečne isplate penzija se neće mijenjati kao rezultat usvajanja ovih amandmana. Isplata bi bila vrsena na vrijeme i izbjegla bi se dalja kasnjenja.

Gradjani BiH moraju shvatiti da se, gledano srednjeročno i dugoročno, iznosi budućih penzija oslanjaju na privredni ucinak zemlje – a ne na želje ili neodgovorna obećanja koja daju organi vlasti. OHR, MMF i Svjetska banka pozivaju organe BiH da usvoje odgovoran zakon o penzijama i da udvostruče napore na izgradnji zdrave tržišne ekonomije u Bosni i Hercegovini. Jedino jak ekonomski rast će osigurati povećanje prihoda potrebnih za povećanje penzija.